

Free Exam-9

১। জাতিসংঘ সনদ কার্যকর হয় ১৯৪৫ সালের-

- (ক) ২৪ সেপ্টেম্বর
- (খ) ২৪ অক্টোবর*
- (গ) ২৬ জুন
- (ঘ) ২৬ অক্টোবর

বিদ্যাবাড়ি ব্যাখ্যা:

- ১৯৪৫ সালের ২৪ অক্টোবর ৫১টি রাষ্ট্রের জাতিসংঘ সনদ কার্যকর করার মাধ্যমে জাতিসংঘ প্রতিষ্ঠিত হয়।
- জাতিসংঘ প্রতিষ্ঠার উদ্দেশ্যে ১৯৪৫ সালের ২৫ এপ্রিল যুক্তরাষ্ট্রের সানফ্রান্সিসকোতে ৫০টি দেশের প্রতিনিধিরা একটি সম্মেলনে যোগ দেন।
- ১৯৪৫ সালের ২৬ জুন তারা ১১১ ধারা সম্বলিত জাতিসংঘ সনদ স্বাক্ষর করে।
- ২৬ জুন সম্মেলনে অংশগ্রহণ না করায় পোল্যান্ড ১৫ অক্টোবর জাতিসংঘ সনদে স্বাক্ষর করে।
- সানফ্রান্সিসকো সম্মেলনে উপস্থিত ৫০টি রাষ্ট্র এবং অনুপস্থিত পোল্যান্ড সহ মোট ৫১টি দেশের স্বাক্ষর সম্বলিত জাতিসংঘ সনদ কার্যকর হয় ২৪ অক্টোবর, ১৯৪৫ সালে।

উৎস: জাতিসংঘ ওয়েবসাইট

২। জাতিসংঘ প্রতিষ্ঠার প্রস্তাবক কে ছিলেন?

- (ক) উইনস্টন চার্চিল
- (খ) জেসেফ স্ট্যালিন
- (গ) হ্যারি এস ট্রুম্যান
- (ঘ) ফ্রাঙ্কলিন ডি রুজভেল্ট*

বিদ্যাবাড়ি ব্যাখ্যা:

- আন্তর্জাতিক সংস্থা হিসেবে জাতিসংঘ প্রতিষ্ঠার কার্যক্রমের সূচনা ঘটে দ্বিতীয় বিশ্বযুদ্ধের সময় থেকে।
- ১৯৪১ সালের ডিসেম্বরে মার্কিন প্রেসিডেন্ট ফ্রাঙ্কলিন রুজভেল্ট প্রথম 'United Nation' নামটি ব্যবহার করেন।
- ১৯৪১ সাল থেকে ১৯৪৫ সাল পর্যন্ত বিশ্বনেতাদের একাধিক বৈঠক ও সম্মেলনের মাধ্যমে জাতিসংঘ প্রতিষ্ঠিত হয়।
- দ্বিতীয় বিশ্বযুদ্ধের পরবর্তী একটি আন্তর্জাতিক সংগঠন হিসেবে জাতিসংঘ প্রতিষ্ঠার উদ্দেশ্যে ১৯৪১ সালের ১৪ আগস্ট যুক্তরাষ্ট্রের প্রেসিডেন্ট

ফ্রাঙ্কলিন ডি রুজভেল্ট ও ব্রিটিশ প্রধানমন্ত্রী উইনস্টন চার্চিল আটলান্টিক সনদ স্বাক্ষর করেন।

- ১৯৪৩ সালের অক্টোবরে মস্কোতে অনুষ্ঠিত এক সম্মেলনে ফ্রাঙ্কলিন ডি রুজভেল্ট একটি আন্তর্জাতিক সংগঠনের প্রস্তাব দেন যা জাতিসংঘে রূপ নেয়।

উৎস: জাতিসংঘ ওয়েবসাইট

৩। জাতিসংঘ এলডিসিমুক্ত দেশগুলোর চাঁদার হার কত?

- (ক) ০.০১%
- (খ) ০.১%*
- (গ) ০.০০১%
- (ঘ) ১.১%

বিদ্যাবাড়ি ব্যাখ্যা:

- জাতিসংঘ সদস্য দেশের চাঁদার পরিমাণ নির্ধারন করে সাধারণ পরিষদ।
- জাতিসংঘে সর্বোচ্চ চাঁদা দেয় যুক্তরাষ্ট্র। সর্বোচ্চ চাঁদার হার ২৫%।
- জাতিসংঘে এলডিসিমুক্ত দেশের চাঁদার হার ০.১%।
- এলডিসিমুক্ত দেশগুলোর চাঁদার হার ০.০১%।
- বাংলাদেশ বর্তমানে এলডিসিমুক্ত থাকায় বাংলাদেশের চাঁদার হার ০.০১%।
- চাঁদা বকেয়া থাকলে জাতিসংঘের সকল ভোটদান থেকে দেশটিকে বিরত রাখা হয়।
- চাঁদা বকেয়া থাকার কারণে জাতিসংঘে ২০২২ সালে ১১ দেশের ভোটাধিকার বাতিল করা হয়। দেশগুলোর মধ্যে রয়েছে ইরান, ভেনেজুয়েলা, সুদান প্রভৃতি।

উৎস: জাতিসংঘ ওয়েবসাইট

৪। জাতিসংঘের কার্যকরী ভাষা কয়টি?

- (ক) ৬টি
- (খ) ৩টি
- (গ) ৪টি
- (ঘ) ২টি*

বিদ্যাবাড়ি ব্যাখ্যা:

- জাতিসংঘের দাপ্তরিক/অফিসিয়াল ভাষা ৬টি। যথা: ইংরেজি, ফরাসি, চাইনিজ, রাশিয়ান, স্প্যানিশ ও আরবি।

- তবে জাতিসংঘের কার্যকরী ভাষা হলো ২টি। যথা: ইংরেজি ও ফরাসি।
- জাতিসংঘের সচিবালয়ে এই দুটি ভাষা ব্যবহৃত হয়।
- জাতিসংঘের দাপ্তরিক ভাষাগুলোর মধ্যে ৫৪টি দেশের সরকারি ভাষা হলো ইংরেজি।
- জাতিসংঘের কিছু প্রস্তাবিত দাপ্তরিক ভাষা হলো বাংলা, হিন্দি, জার্মান, পর্তুগিজ প্রভৃতি।

উৎস: জাতিসংঘ ওয়েবসাইট

৫। জাতিসংঘের নিরাপত্তা পরিষদের স্থায়ী সদস্য নয় কোনটি?

- (ক) ফ্রান্স
- (খ) চীন
- (গ) জার্মানি*
- (ঘ) রাশিয়া

বিদ্যাবাড়ি ব্যাখ্যা:

- জাতিসংঘের নিরাপত্তা পরিষদ দশটি অস্থায়ী এবং পাঁচটি স্থায়ী মোট পনেরটি সদস্য দেশ নিয়ে গঠিত।
- জাতিসংঘের স্থায়ী সদস্যদেশগুলো হলো:
 - * যুক্তরাষ্ট্র
 - * যুক্তরাজ্য
 - * রাশিয়া
 - * ফ্রান্স
 - * চীন
- ১৯৪৪ সালে সংঘটিত ডাম্বারটনওকস সম্মেলনে নিরাপত্তা পরিষদ গঠিত হয় এবং ৫টি স্থায়ী সদস্য নির্ধারণ করা হয়।
- ১৯৪৫ সালে সংঘটিত ইয়াল্টা সম্মেলনে ৫টি স্থায়ী দেশকে 'Veto' ক্ষমতা প্রদান করা হয়।
- অস্থায়ী সদস্যগুলো দুই বছরের জন্য নির্বাচিত হয়। প্রতিবছর ৫টি করে নতুন সদস্য নিয়োগ দেয়া হয়।

উৎস: জাতিসংঘ ওয়েবসাইট

৬। নিরাপত্তা পরিষদের ৫টি স্থায়ী সদস্য নির্ধারণ করা হয় কোন সম্মেলনে?

- (ক) ইয়াল্টা সম্মেলন
- (খ) সানফ্রান্সিসকো সম্মেলন
- (গ) ডাম্বারটনওকস সম্মেলন*
- (ঘ) ব্রিটনউডস সম্মেলন

বিদ্যাবাড়ি ব্যাখ্যা:

- ১৯৪৪ সালের ২১ আগস্ট-৭ অক্টোবর যুক্তরাষ্ট্রের ওয়াশিংটনে সংঘটিত ডাম্বারটনওকস সম্মেলনে জাতিসংঘের নিরাপত্তা পরিষদ গঠিত হয় এবং

নিরাপত্তা পরিষদের ৫টি স্থায়ী সদস্য নির্ধারণ করা হয়।

- নিরাপত্তা পরিষদের স্থায়ী সদস্যদেশগুলো হলো: যুক্তরাষ্ট্র, যুক্তরাজ্য, রাশিয়া, ফ্রান্স ও চীন।
- ১৯৪৫ সালে ইয়াল্টা সম্মেলনে স্থায়ী দেশগুলোকে ভেটো ক্ষমতা প্রদান করা হয়।
- অপরদিকে, সানফ্রান্সিসকো সম্মেলনের (১৯৪৫) মাধ্যমে জাতিসংঘের সনদ স্বাক্ষর ও কার্যকর করা হয়।
- ব্রিটনউডস সম্মেলনে (১৯৪৪) IMF, IBRD এবং GATT গঠনের সিদ্ধান্ত গৃহীত হয়।

উৎস: ব্রিটানিকা এবং জাতিসংঘের ওয়েবসাইট

৭। নিচের কোন ব্যক্তি আটলান্টিক সনদে স্বাক্ষর করেন নি?

- (ক) জোসেফ স্ট্যালিন*
- (খ) উইনস্টন চার্চিল
- (গ) ফ্রাঙ্কলিন রুজভেল্ট
- (ঘ) সকলেই করেন

বিদ্যাবাড়ি ব্যাখ্যা:

- দ্বিতীয় বিশ্বযুদ্ধ চলাকালে, ১৯৪১ সালের ১৪ আগস্ট আটলান্টিক সনদ ঘোষণা করা হয়।
- ব্রিটিশ প্রধানমন্ত্রী উইনস্টন চার্চিল এবং মার্কিন প্রেসিডেন্ট ফ্রাঙ্কলিন ডি রুজভেল্ট এতে স্বাক্ষর করেন।
- পৃথিবীতে স্থায়ী শান্তি স্থাপনের উদ্দেশ্যে আমেরিকার নিউফাউন্ডল্যান্ড দ্বীপের কাছে উত্তর আটলান্টিক মহাসাগরের প্রিন্স অব ওয়েলস নামক একটি যুদ্ধজাহাজে আটদফা সূত্র সম্বলিত এই চুক্তি স্বাক্ষরিত হয়।
- পৃথিবীর মোট ২৬টি দেশ এই সনদকে সমর্থন করেছিল।
- রাশিয়ার প্রধানমন্ত্রী জোসেফ স্ট্যালিন আটলান্টিক সনদে স্বাক্ষর করেননি।

উৎস: ব্রিটানিকা এবং History.com

৮। কোন পরিষদের সুপারিশক্রমে জাতিসংঘ নতুন সদস্য গ্রহণ করে?

- (ক) নিরাপত্তা পরিষদ*
- (খ) সাধারণ পরিষদ
- (গ) সামাজিক ও অর্থনৈতিক পরিষদ
- (ঘ) অছি পরিষদ

বিদ্যাবাড়া ব্যাখ্যা:

- জাতিসংঘের প্রধান অঙ্গসংস্থান ছয়টি। যথা:
 - সাধারণ পরিষদ (UNGA)
 - নিরাপত্তা পরিষদ (UNSC)
 - অর্থনৈতিক ও সামাজিক পরিষদ (ECOSOC)
 - আন্তর্জাতিক বিচারালয় (ICJ)
 - জাতিসংঘ সচিবালয় (UN Secretariat)
 - অছি পরিষদ (UN Trusteeship Council)

নিরাপত্তা পরিষদ:

- নিরাপত্তা পরিষদ পনের সদস্য (দশটি অস্থায়ী এবং পাঁচটি স্থায়ী) নিয়ে গঠিত।
- নিরাপত্তা পরিষদের কাজগুলো হলো:
 - আন্তর্জাতিক শান্তি ও নিরাপত্তা বজায় রাখা।
 - আন্তর্জাতিক কোন বিরোধ তদন্ত করা।
 - অস্ত্র নিয়ন্ত্রনের ব্যবস্থা পরিকল্পনা করা।
 - নতুন সদস্যদের নিয়োগের সুপারিশ করা।
 - সাধারণ পরিষদের কাছে মহাসচিব নিয়োগের সুপারিশ করা।
 - সাধারণ পরিষদের সাথে মিলিত হয়ে আন্তর্জাতিক বিচার আদালতের বিচারক নির্বাচন করা।
- নিরাপত্তা পরিষদের সুপারিশের ভিত্তিতে সাধারণ পরিষদ জাতিসংঘের বিভিন্ন অঙ্গের সদস্যদের নিয়োগ দিয়ে থাকে।

উৎস: জাতিসংঘ ওয়েবসাইট

৯। জাতিসংঘের অর্থনৈতিক ও সামাজিক পরিষদের সদস্যের মেয়াদ কত?

- (ক) ১ মাস
- (খ) ১ বছর
- (গ) ৩ বছর*
- (ঘ) ৫ বছর

বিদ্যাবাড়া ব্যাখ্যা:

- জাতিসংঘের ছয়টি প্রধান অঙ্গসংস্থান মধ্যে অন্যতম একটি হলো অর্থনৈতিক ও সামাজিক পরিষদ (ECOSOC)।

অর্থনৈতিক ও সামাজিক পরিষদ (ECOSOC):

- জাতিসংঘের অর্থনৈতিক ও সামাজিক পরিষদ গঠিত হয় ১৯৪৫ সালে।
- এর পাঁচটি আঞ্চলিক কমিশন এবং সদস্যদেশ ৫৪টি। সদস্যের মেয়াদ ৩ বছর।

- এশিয়া ও প্রশান্ত মহাসাগরীয় কমিশনের (ESCAP) সদর দপ্তর হলো থাইল্যান্ডের ব্যাংককে।
- বাংলাদেশে (২০২০-২০২২) পর্যন্ত ECOSOC এর সদস্য ছিল।
- ECOSOC এর কার্যাবলীগুলো হলো:
 - উন্নত সমাজ প্রতিষ্ঠা করা
 - জনসংখ্যা নিয়ন্ত্রণ করা
 - মানবাধিকার নিয়ন্ত্রণ করা
 - মাদকদ্রব্য ও চোরাচালান রোধ করা প্রভৃতি
- অপরদিকে, নিরাপত্তা পরিষদের সভাপতির মেয়াদ হলো ১ মাস এবং সাধারণ পরিষদের সভাপতির মেয়াদ হলো ১ বছর এবং মহাসচিবের মেয়াদ ৫ বছর।

উৎস: জাতিসংঘ ওয়েবসাইট

১০। আন্তর্জাতিক বিচারালয়ের বিচারকের সংখ্যা কত জন?

- (ক) ১০ জন
- (খ) ১২ জন
- (গ) ১৫ জন*
- (ঘ) ১৮ জন

বিদ্যাবাড়া ব্যাখ্যা:

- আন্তর্জাতিক ন্যায়বিচার আদালত বা International Court of Justice (ICJ) মূলত আন্তর্জাতিক আদালত নামে পরিচিত।
- এটির সদর দপ্তর নেদারল্যান্ডসের হেগ শহরে Peace Palace এ অবস্থিত।
- এর বিচারকের সংখ্যা ১৫ জন এবং তাঁদের মেয়াদ ৯ বছর।
- ICJ এর সভাপতি ৩ বছরের জন্য নির্বাচিত হন।
- জাতিসংঘ সনদের ৯৩ অনুচ্ছেদ বলে ICJ গঠিত হয় এবং ৯৪ অনুচ্ছেদ বলে জাতিসংঘের সকল সদস্য আন্তর্জাতিক আদালতের সিদ্ধান্ত মেনে নিতে বাধ্য।
- ICJ এর প্রধান কাজ হলো স্বাধীন রাষ্ট্রসমূহের মধ্যে আইনী বিরোধ নিষ্পত্তি করা এবং বিশ্বের বিভিন্ন আন্তর্জাতিক সংস্থাকে আইন বিষয়ে পরামর্শ দেয়া।

উৎস: ব্রিটানিকা

১১। জাতিসংঘের শান্তিরক্ষী বাহিনী পরিচালিত প্রথম মিশনের নাম কী?

- (ক) UNIIMOG
- (খ) UNTSO*
- (গ) UNIFA
- (ঘ) UNIFIL

বিদ্যাবাড়ি ব্যাখ্যা:

- জাতিসংঘের শান্তিরক্ষা মিশন শুরু হয় ১৯৪৮ সালে।
- প্রথম মিশনের নাম ছিল United Nations Truce Supervision Organization (UNTSO) যার উদ্দেশ্য ছিল ১৯৪৮ সালের আরব-ইসরাইল যুদ্ধের সময় যুদ্ধবিরতি পালন করা।
- প্রথম মিশন প্রেরণ করা হয় জেরুজালেমে।
- এখন পর্যন্ত শান্তিরক্ষা বাহিনীর ৭২টি মিশনে গঠিত হয়েছে। বর্তমানে ১২টি মিশনে চালু রয়েছে।
- বর্তমানে শান্তিরক্ষা মিশনে সেনা প্রেরণে প্রথম স্থানে রয়েছে বাংলাদেশ (৬৭৪২ জন)।
- অপরদিকে, UIMOG বা United Nation Iran-Iraq Military observer Group হলো ইরাক-ইরান যুদ্ধে ১৯৮৮ সালে প্রেরিত মিশন যেখানে বাংলাদেশের সেনাবাহিনী প্রথমবারের মত অংশগ্রহণ করে।
- UNIFIL হলো লেবাননে প্রেরিত মিশন।
- শান্তিরক্ষী বাহিনী ১৯৮৮ সালে শান্তিতে নোবেল পুরস্কার লাভ করে।

উৎস : Peacekeeping.un.org

১২। 'নবায়নযোগ্য ও ব্যয়সাধ্য জ্বালানি' এসডিজির কত নাম্বার লক্ষ্যে অন্তর্ভুক্ত করা হয়েছে?

- (ক) ৭ নং
- (খ) ৮ নং
- (গ) ৯ নং
- (ঘ) ১০ নং

বিদ্যাবাড়ি ব্যাখ্যা:

- Sustainable Development Goals (SDGs) সম্পর্কে প্রথম ধারণা পাওয়া যায় ২০১২ সালে ব্রাজিলের রিওডিজেনিরোতে অনুষ্ঠিত জাতিসংঘের টেকসই উন্নয়ন সম্মেলনে।
- জাতিসংঘ কর্তৃক SDGs এর অনুমোদন এবং ১৭টি লক্ষ্যমাত্রা নির্ধারণ করা হয় ২০১৫ সালে।
- SDGs এর মেয়াদ ১৫ বছর (জানুয়ারি ২০১৬-ডিসেম্বর ২০৩০)।
- SDGs এর ১৭টি লক্ষ্য হলো:
 ১. দারিদ্র বিমোচন
 ২. ক্ষুধা মুক্তি
 ৩. সুস্বাস্থ্য
 ৪. মানসম্মত শিক্ষা

৫. লিঙ্গ সমতা
৬. সুপেয় পানি ও পয়ঃনিষ্কাশন
৭. নবায়নযোগ্য ও ব্যয়সাধ্য জ্বালানি
৮. কর্মসংস্থান ও অর্থনীতি
৯. উদ্ভাবন ও উন্নত অবকাঠামো
১০. বৈষম্য হ্রাস
১১. টেকসই নগর ও সম্প্রদায়
১২. পরিমিত ভোগ
১৩. জলবায়ু বিষয়ে পদক্ষেপ
১৪. টেকসই সাগর
১৫. ভূমির টেকসই ব্যবহার
১৬. শান্তি ও ন্যায়বিচার
১৭. টেকসই উন্নয়নের জন্য অংশীদারিত্ব

উৎস: এসডিজির ওয়েবসাইট, UNDP এর ওয়েবসাইট
১৩। জাতিসংঘের কোন সংস্থাটি ২০২০ সালে শান্তিতে নোবেল পায়?

- (ক) FAO
- (খ) WFP*
- (গ) ILO
- (ঘ) IOM

বিদ্যাবাড়ি ব্যাখ্যা:

- বিশ্ব খাদ্য সংস্থা World Food Program (WFP) প্রতিষ্ঠিত হয় ১৯৬১ সালে।
- প্রতিষ্ঠার পর প্রথম উন্নয়ন কর্মসূচি চালু করে ১৯৬৩ সালে সুদানে।
- সংস্থাটির সদর দপ্তর ইতালির রোমে।
- এটি ক্ষুধা ও খাদ্য নিরাপত্তার সাথে জড়িত বিশ্বের বৃহত্তম সংস্থা।
- সংস্থাটি সংঘাত ও যুদ্ধকবলিত এলাকাগুলোতে ক্ষুধা নিরসনের জন্য ২০২০ সালে শান্তিতে নোবেল পুরস্কার লাভ করেন।
- সারা বিশ্বে ২০২২ সালে WFP প্রায় ১৫৮ মিলিয়ন মানুষকে খাদ্য সহায়তা দিয়েছে।

উৎস: WFP এর ওয়েবসাইট, World data এর ওয়েবসাইট

১৪। জাতিসংঘের মানব উন্নয়ন সংস্থা কোনটি?

- (ক) UNFPA
- (খ) UNCTAD
- (গ) UNHCR
- (ঘ) UNDP*

বিদ্যাবাড়ি ব্যাখ্যা:

- জাতিসংঘের মানব উন্নয়ন বিষয়ক সংস্থা হচ্ছে United Nation Development Programme (UNDP)।
- এটি প্রতিষ্ঠিত হয় ১৯৬৫ সালে।
- এর সদর দপ্তর যুক্তরাষ্ট্রের নিউইয়র্কে।
- এটি প্রতিবছর Human Development Index (HDI) সূচক প্রকাশ করে।
- এর উদ্দেশ্য হচ্ছে উন্নয়নশীল দেশ সমূহে সম্পদের পরিকল্পিত ব্যবহার এবং সম্পদ আহরণে সাহায্য করা। প্রয়োজনীয় ক্ষেত্রে আর্থিক সহায়তা প্রদান করে থাকে।
- অপরদিকে, United Nations Population Fund (UNFPA) হলো জাতিসংঘের জনসংখ্যা তহবিল।
- UN Conference on Trade and Development (UNCTAD) হচ্ছে উন্নয়নশীল বিশ্বে বাণিজ্য সম্প্রসারণ সংস্থা।
- United Nations High Commissioner for Refugees (UNHCR) হলো জাতিসংঘের শরণার্থী বিষয়ক সংস্থা।

উৎস: সংশ্লিষ্ট সংস্থার ওয়েবসাইট

১৫। জাতিসংঘের সমুদ্র গবেষণা সংস্থা (IMO) এর সদর দপ্তর কোথায়?

- (ক) জেনেভা
- (খ) নিউইয়র্ক
- (গ) ভিয়েনা
- (ঘ) লন্ডন*

বিদ্যাবাড়ি ব্যাখ্যা:

- জাতিসংঘের সমুদ্র গবেষণা সংস্থা বা International Maritime Organization (IMO) এর সদর দপ্তর লন্ডনে।
- UN Maritime Conference এর মাধ্যমে ১৯৪৮ সালে IMO গঠিত হয়।
- IMO এর পূর্ব নাম ছিল Inter-Governmental Maritime Consultative Organization. ১৯৮২ সালে IMO নামকরণ করা হয়।
- অপরদিকে, জেনেভা, নিউইয়র্ক এবং ভিয়েনাতে নিম্নলিখিত সংস্থাগুলোর সদর দপ্তর অবস্থিত:

জেনেভা	নিউইয়র্ক	ভিয়েনা
ITU, WTO, UNCTAD, ILO,	UNDP,	UNIDO, IAEA

UNHCR, UNHRC, IOM, WIPO, WMO, WHO	UN Women, CEDAW, UNCDF, UNIFEM, DAW	
-----------------------------------	-------------------------------------	--

উৎস: ব্রিটানিক এবং সংশ্লিষ্ট সংস্থার ওয়েবসাইট

১৬। WMO এর পূর্ণরূপ কোনটি?

- (ক) World Maritime Organization
- (খ) World Meteorological Organization *
- (গ) World Migration Organization
- (ঘ) World Marine Organization

বিদ্যাবাড়ি ব্যাখ্যা:

- World Meteorological Organization জাতিসংঘের একটি বিশেষায়িত সংস্থা যার মূল উদ্দেশ্য হচ্ছে বিশ্বজুড়ে নিবিড় আবহাওয়া পর্যবেক্ষণ ব্যবস্থা গড়ে তোলা, স্বল্পোন্নত দেশগুলোতে আবহাওয়া পর্যবেক্ষণ ব্যবস্থাকে উন্নত করা।
- ১৯৫০ সালের ২৩ মার্চ WMO প্রতিষ্ঠিত হয়।
- এর সদর দপ্তর সুইজারল্যান্ডের জেনেভায় অবস্থিত।
- ৬টি অঞ্চলে বিভক্ত ১৯৩ টি দেশ বিশ্ব আবহাওয়া সংস্থার সদস্য।
- বাংলাদেশ ১৯৭৩ সালের ২৪ আগস্ট এই সংস্থাটির সদস্য পদ লাভ করে।
- Professor Petteri Taalas এই সংস্থার বর্তমান মহাপরিচালক

উৎস: WMO Official Website

১৭। নিচের কোন সংস্থার সদর দপ্তর জেনেভাতে অবস্থিত নয়?

- (ক) ITU
- (খ) WHO
- (গ) UPU*
- (ঘ) IOM

বিদ্যাবাড়ি ব্যাখ্যা:

- International Telecommunication Union (ITU), World Health Organization (WHO), International Organization for Migration (IOM) ইত্যাদি সংস্থাসমূহের প্রধান কার্যালয় সুইজারল্যান্ডের জেনেভায় অবস্থিত।
- Universal Postal Union এর প্রধান কার্যালয় অবস্থিত সুইজারল্যান্ড এর বার্ন এ।

উৎস: ব্রিটানিকা ও সংশ্লিষ্ট সংস্থার ওয়েবসাইট

১৮। জাতিসংঘের কোন সংস্থা দুইবার নোবেল পুরস্কার পায়?

- (ক) IAEA
(খ) OPCW
(গ) UNICEF
(ঘ) UNHCR*

বিদ্যাবাড়া ব্যাখ্যা:

- United Nations High Commissioner for Refugees (UNHCR), ১৯৫০ সালে প্রতিষ্ঠিত হয়।
- জাতিসংঘের শরণার্থী বিষয়ক এই সংস্থাটি ১৯৫৪ এবং ১৯৮১ সালে নোবেল পুরস্কারে ভূষিত হয়।
- সংস্থার দায়িত্ব হচ্ছে জাতিসংঘ বা কোন সরকারের অনুরোধে স্বদেশহীন, বাস্তুহারা মাতৃভূমিচ্যুত শরণার্থীদের রক্ষা করা এবং পুনর্বাসন এর ব্যবস্থা করা।
- জাতিসংঘ ও এর অন্যান্য সংস্থা কর্তৃক শান্তিতে নোবেল পুরস্কার লাভ:

সংস্থা	সাল
UNICEF	1965
ILO	1969
UNO	2001
UN Peace Keeping Force	1988
IAEA	2005
IPCC	2007
OPCW	2013
WFP	2020

উৎস: ইউনাইটেড ন্যাশন্স অফিশিয়াল ওয়েবসাইট

১৯। UNESCO কত সালে প্রতিষ্ঠিত হয়?

- (ক) ১৯৪৫ সালে*
(খ) ১৯৪৬ সালে
(গ) ১৯৪৭ সালে
(ঘ) ১৯৪৯ সালে

বিদ্যাবাড়া ব্যাখ্যা:

- জাতিসংঘের শিক্ষা, বিজ্ঞান ও সংস্কৃতি সংস্থা (United Nations Educational, Scientific and Cultural Organization (UNESCO) প্রতিষ্ঠিত হয় ১৯৪৫ সালে।
- ইউনেস্কো কার্যকর হয় ৪ নভেম্বর ১৯৪৬ সালে।
- এর সদর দপ্তর ফ্রান্সের প্যারিসে। সদস্য সংখ্যা ১৯৫। সর্বশেষ সদস্য ফিলিস্তিন।
- এর প্রধান উদ্দেশ্য হলো বিশ্ব শিক্ষা, বিজ্ঞান ও সংস্কৃতির প্রসার এবং উন্নয়নের মাধ্যমে মানুষের জীবন মানের উন্নয়ন ঘটানো।

উৎস: ইউনেস্কোর অফিসিয়াল ওয়েবসাইট এবং ব্রিটানিকা

২০। জাতিসংঘের নারী উন্নয়ন বিষয়ক সংস্থা কোনটি?

- (ক) UN Women
(খ) CEDAW
(গ) UNCDF
(ঘ) UNIFEM*

বিদ্যাবাড়া ব্যাখ্যা:

- জাতিসংঘের নারী উন্নয়ন সংস্থা হলো UNIFEM বা United Nations Development Fund for Women।
- এটি ১৯৭৬ সালে প্রতিষ্ঠিত হয়।
- এর সদর দপ্তর নিউইয়র্কে অবস্থিত।
- এটি নারীর ক্ষমতায়ন এবং লিঙ্গ বৈষম্য দূর করার লক্ষ্যে আর্থিক সহায়তামূলক কার্যক্রম পরিচালনা করে।
- অপরদিকে UN Women হলো জাতিসংঘের নারীর ক্ষমতায়ন ও লিঙ্গ সমতা বিষয়ক সংস্থা।
- CEDAW বা Convention on Elimination of all forms of Discrimination Against Women হলো নারীর প্রতি বৈষম্য বিলোপ সনদ।

উৎস: ব্রিটানিকা এবং সংশ্লিষ্ট সংস্থার ওয়েবসাইট